
UQAUHIITIGUT KAMISINA NUNAVUNMUT

Nanminiriyamik Havaktiuyuq Nunavunmi Maligaliurvingani

Havaatigit Naunaitkutinga



Nunavunmi Maligaliurvinga

Septemberi, 2019

www.assembly.nu.ca

UQAUHITIGUT KAMISINAUYUQ NUNAVUNMUT

I. PIPKAITJUTIGIYUQ MALIGAIT, HUUQ PIYUQ MALIGAKHANGALU

April 1mi, 1999, Nunavut pihimaliqtaa *Ilitariyauyut Uqauhiit Maligaaq* angiqtauhimagaluaqtut Nunatsiap Maligaliurvinganit. 2008mi, Nunavunmi Maligaliurvinga angiqtauyuq nutaamik *Ilitariyauyut Uqauhiit Maliganga* unalu *Inuit Uqauhinginnik Tammaqtailiniq Maligaaq*

Angiqatigiikhimapluni ilangani 38mut kanatap *Nunavunmi Maliganganit*. Kavamatuqangit Kanatami Maligaliurvikyuanga angiqtaat tuniyauningga nutaaq *Ilitariyauyut Uqauhiit Maliganga* Juunmi 2009¹.

Kihinngurlugu ilangani uiguani 12(7)(c), Nunavutip nutaaq *Uqauhiit Ilitariyauhimayut Maligaryuanga* atuliqhimayuq April 1, 2013-mi.

Tamna *Ilitariyauyut Uqauhiit Maliganga* unalu *Inuit Uqauhinginnik Tammaqtailiniq Maligaaq* piliuqtaa Nunavuutim ilitariyauyut uqauhiit maligait. Maligat naunaiyaqtaat ilitariyauyut uqauhiit nunavunmit, piliuqhimayut havaariyakhat ilanganit avikturhimayut timiqutigiyangit aatlatlu katimayiit tunigiami uqauhinginnik uqaqtukhat nunavuutim ilitariyauyut uqauhiinnik piliuriamilu qanuriliurutingit ikayuriami tammaqtailininngit atuliqtitauninnginniklu Inuit Uqauhinginnik.

Havaanga Uqauhitigut Kamisinauyuuq Nunavunmut piliurhimayuq angirutigiquplugu uumanilu ilangani 16 nutaap *Ilitariyauyut Uqauhiit Maligaaq*.

Tamna nutaaq *Ilitariyauyut Uqauhiit Maliganga* pitquyauyuq Uqauhitigut Kamisinauyuuq ukununnga “pilugit tamaita havaangit pitjutigiyangillu pitquyauhimayut Uqauhitigut Kamisinauyumut naunairiami tahapkuat Ilitariyauyut Uqauhiit pilaarutingit, qanuritaakhaanik pilaarutillu ilitariyauyut, unalu havaangit piyut ilitariyauyunut uqauhiit havaariyauyut.”

Tamna Uqauhitigut Kamisinauyuuq Nunavunmut piyuq Ihivriuqtiyuq Ihuigiyaayunik, ikayuqtiyuq, munaqtiyuq munariyuqlu pitqutigiquvlugu ukununnga Ilitariyauyut Uqauhiit pilaarutingit, ikayuutingit havaariyakhatlu Nunavunmi.

¹ July 1mi, 2012, tamna nutaaq *Ilitariyauyut Uqauhiitigut Maliganga* naunaiqhimangittut huli piyut Nunavut Kavamatkunni. Tamna maliganga piyauyuq April 1, 1999mi, atuqtauliqtuq huli. Ilangit *Inuit Uqauhingit Tammaqtailiniq Maligaaq* atuliqtitaayuq. Ukunuuna *Havatigut Naunaitkutaq*, uqarhimayuq “nutaq *Ilitariyauyut Uqauhiitigut Maliganga*” piyuq uumunnga maligamut piyauyuq April 1, 1999mit (R.S.N.W.T. 1988,c.O-1). Tamna uqarhimayuq “nutaq *Ilitariyauyut Uqauhiitigut Maliganga*” piyuq maligamut angiqtauhimayut Nunavut Maligaliurvinganit 2008mit (S.Nu. 2008,c.10).

II. KIUTTAAQTUQ MALIGALIURVIKMUT MALIGATIGULLU TUHAQTIPKAITJUTIKHAT PIYAKHAT

Tamna Uqauhitigut Kamisinauyuuq tikkuuqtauyuuq ukunangga Kamisinauyuuq Nunavunmut pitquyauyunit Maligaliurvinga tallimanik ukiunik havaktukhaq . Tamna Uqauhitigut Kamisinauyuuq havakpaktuq nakuuyumik piliqtillugu.

Tamna Atan'nguyanit Havaanginnullu Katimayiit uumannga Maligaliurvinga angiqpagait akikhangit manikhangillu tamaita inmikkuuqtut havaktiuyut Maligaliurvikmi. Tamna Atan'nguyanit Havaanginnullu Katimayiit angiqtaa havaariyanganik ihariagiyauyumut Uqauhitigut Kamisinauyuuq takuyakhaa Katimayiingit atahiqmi ukiumi tunigiami Havakvinga pitquyauhimayut manikhat unalu havaatigut havaakhangit qaniklilitumut maniliurninnganut ukiunga. Qakunnguraangat, Atan'nguyanit Havaanginnullu Katimayiit ihumaalutiginiaqta pipkaitjutingit piyut aulapkaininnganut havakviuyut inmikkuuqtunut havaktiuyut pitqutigiquplugu ukunatitut kiinauyaliqitkut munariniq, havaktuliqitkunni munariniq, kaantraliqiniq piliqniqlu.

Titiraqhimayumi ilangani 24 haffumani *Ilitariyauyut Uqauhiit Maliganga* uvanilu ilangani 28.4 uumani *Inuit Uqauhinginnik Tammaqtailiniq Maligaaq*, una Uqauhitigut Kamisinauyuuq tuniyukhaq Ukiumi taiguagakhat Maligaliurvikmut hulilukaarutingit Havakvikmit uumani Uqauhitigut Kamisinauyuuq qangarnitanganik maniliurninnganut ukiunga, unalu naunaiqhimayuuq qanuriliurninnga qanuritaakhaanganik ihivriuuqtauyut piyut ukunangga Uqauhitigut Kamisinauyuuq . Ukiumi taiguagakhat piqarniaruknaqhiyuq atuquyauyunik himmautikhanginnik maligamut atlanullu piyut. Ukiumi taiguagakhat iliuraimayuuq Maligaliurvingami.

Angiqtinngu *Kangirhitjutit*, Maligaliurviup Tikkuuqtauhimayut Katimayiit uumani Munarininnga Kavamatkut Aulapkaitjutingit unalu Kavamatkunni Kiinauyaliqiniqmut (OGOPA) talavisikkuuqhutik katimapkaivaktut Ukiumi taiguagakhat uumani Uqauhitigut Kamisinauyuuq . Katimapkaiviit katimapkaivaktut inuknik. Uqauhitigut Kamisinauyuuq ihumagiyut ilauniaqtut ukunani Tikkuuqtauhimayut Katimayiit tuhatipkaigiami iluani ittut taiguagakhap kiugiamikniklu apirhuutinik inuknit uumani Tikkuuqtauhimayut Katimayiit. Tikkuuqtauhimayut Katimayiit talvannga nanminiqmik taiguagakhaluqtut Maligaliurvikmut.

III. IHUATQIYAUYUT KIUTTAARNINGIT

Hapkuat pitjutigingittut iluittumik titiraqhimaniq munariyanginnik uumani Uqauhitigut Kamisinauyuq . Kihimi, hapkuat kiuttaarningit hivulliuyut naunaitkutauyut talvani havaangit naunaiyainiaqtut ihivriuriami tamaita nakuuyumik uumani inmikkuuqtuq havaktiuyut.

Tamna Iniqhimayut pipkaitjutauhimagayullu naunaitkutat uumani havaanga, munariyakhangit, atan'nguyat maligatigullu piyakhangit havaangani Uqauhitigut Kamisinauyuq hapkuanguyut *Ilitariyauyut Uqauhiit Maliganga, Iltariyauyut Uqauhiit Maliganga* unalu *Inuit Uqauhinginnik Tammaqtailiniq Maligaq*

Maniliqinirmut Havaktikhaqhiuqtunullu Aulapkainirmut Havaangit

- Uqauhiitigut Kamisinaup kiuyakhaa qayagiyumik munariniq Havakviup kiinauyaliqitkut havaktuliqitkullu angiqatigiiktumik ihuatqiyayumik maligatigut piyunnautinik, unalu *Kiinauyaliqinirmut Titiqqiqinirmullu Maliganga, Kavamatkut Kaantraliqinirmut Maligakhat* unalu *Kavamatkut Maligaq*
- Uqauhiitigut Kamisinaup kiuyakhaa piliurninnganut tukhirautit Havakviup ukiumi manikhat unalu havaatigut havaakhangit uumunga Atan'nguyanit Havaanginnullu Katimayiit uumani Maligaliurvinga ihumagiyakhanginnik. Uqauhiitigut Kamisinaup kiuyakhaa naunaiqtakhaa iluani ittut uumani ukiumi havaatigut havaakhangit paarutigiyakhangit piluguluuniit pitquyauhimagayut piliurhimayut maligami kituniliqaaklu maliktakhat ihumaalutigiyayut uumannga Atan'nguyanit Havaanginnullu Katimayiit, ukuatlu, kihimi kikliqaangittut ukununnga:
 - Naunaittiaqhimayuq titiraq Havakviup aulapkaiyuhimagayunit, maligatigut havaariyakhat ilitariyauyullu uuktuutingit;
 - Naunaittiaqhimayuq titiraq Havakviup tikinnahuarutingit piyakhangillu tikiliqtup maniliurninnganut ukiunga;
 - Naunaittiaqhimayuq titiraq Havakviup maligaq pigiami tikinnahuarutingit piyakhangillu; unalu
 - Naunairhimayuq tunngavingit Havakvikmut pitquyauhimagayut manikhat, apiriyauyullu ihuarhaqhimayunut ikayuutit.
- Uqauhiitigut Kamisinaup kiuyakhaa piliurninnganut tuniqhaininnganullu Havakviup maligatigut ihariagiyayut Ukiumi taiguagakhat Maligaliurvikmut talvunngauyukhaq ihuatqiyayumut

Tikkuaqtauhimayut Katimayiit uumani Maligaliurvinga pigiami iluani itlut. Uqauhiitigut Kamisinaup kiuyakhaa naunaiqtakhaa iluani itlut uumani Ukiumi taiguagakhat paarutigiyut qaanganiittumikluuniit piyakhangit piliurhimayut maligami kitunilu maliktakhat ihumaalutigiyayut ukunanit Atan'nguyanit Havaanginnulu Katimayiit, ukuatlu, kihimi kikliqarhimangittut ukununa:

- Naunairhimayuq maniliqiniq uumani piluni Havakvikmit unalu piiqlugu havaanik uumani Uqauhitigut Kamisinauyuuq pitilluni maniliurninnganut ukiunga, qanuritaakhaaniklu ihivriuqtauyut ukunanga Uqauhiitigut Kamisinaup ²;
 - Naunairhimayuq maniliqiniq uumani akiliutiit Havakvikmit pitilluni maniliurninnganut ukiunga;
 - Naunairhimayuq maniliqiniq Havakviup nakuuyumik paarutigiami tikinnahuarutingit piyakhangillu atauhiqmi ukiumi havaatigut havaakhangit piyumut maniliurninnganut ukiunga; unalu
 - Ihivriuqniq uumani nakuuninnga pipkaitjutihimayumik pilaarutit atuqtamiknik havaangillu piyangit Uqauhiitigut Kamisinamit , himmiqtakhanginniklu Uqauhiitigut Kamisinaup ihumagigumiuk taimaatut ihuarhiluguluuniit malikluni nunavuutim ilitariyayut uqauhiit maligait.
- Uqauhiitigut Kamisinaup kiuyakhaa tunigiami hivuliqtiuniq havaktunut Havakvikmit taimaatut ikayuutauyuq pipkaitjutininnganik havakviup maliktakhangit.
 - Uqauhiitigut Kamisinaup kiuyakhaa naunaiyariami havaktut havaanginnik ihuarhailunilu ihuarhitjutimik ihumaalutigiyayunik.

Ihivriurutit Nutqaqtitjutingillu

- Uiguat 26-mit 36-mut haffumani *Ilitariyayut Uqauhiit Maliganga* unalu uiguanni 31-37 haffumani *Inuit Uqauhinginnik Tammaqtailiniq Maligaaq* pitquyait piyunnautingit havaangillu uumani Uqauhitigut Kamisinauyuuq piyut havaamiknut ihivriuqtauyinginnit.
- Uqauhiitigut Kamisinaup kiuyakhaa naunaiqtakhaa Havakvik piliuqtuq maligat, apirhuutit, pitquyautingit havaangillu ihariagiyayut havagiami ihivriuqtauyinginnik Titiraqhimayumi nunavuutim ilitariyayut uqauhiit maligait.

² Takulugu Naunairvik B piksanik naunaipkaitjutinik pihimayut uumani.

- Uqauhiitigut Kamisinaup kiuyakhaa naunaiqtakhaa Havakvik piliuqtut tuniqhaiyullu naunaitkutanik ihariagiyauyut ilauyunut inuknullu kangirhigiamiknik havaariyangit pigiami havakvinganut uumani Uqauhitigut Kamisinauyuq ihivriuriamiknik ahiruqtitanganik nunavuutim ilitariyauyut uqauhiit maligait.
- Uqauhiitigut Kamisinaup kiuyakhaa naunaiqtakhaa Havakvik pivaktut ihuatqiyauyunik maligatigut ikayuutikhanik piyuq havaanga ihivriuqtauyunik, unalu piplutiklu uqautjiutinik piyut havakviup pipkaitjutigiyanginnik kitunut.
- Uqauhiitigut Kamisinaup kiuyakhaa naunaiqtakhaa ihivriuqtauyut havakvikmit piyut tuniyauhimagunit maligatigut kikliqarvinginnik.
- Uqauhiitigut Kamisinaup kiuyakhaa naunaiqtakhaa Havakvik malikpagait maligatingit Maligaliurvikmut unalu Nunavunmi Apirhuiyit pitqutiquplugu Uqauhiitigut Kamisinaup aturningga piyunnautingit havaanginnut ihivriuqtiuyut.
- Uqauhiitigut Kamisinaup kiuyakhaa naunaiqtakhaa kitut ihivriuqningit taiguagakhat upalungaiyarhimayut ihivriuqningit taiguagakhaliurhimayut havakvikmit tuniyauyut Maligaliurvikmut ihuarhaqhimayumik, talvungauyukhaq ihuatqiyauyumut Tikkuqaqtauhimagunit Katimayiit uumani Maligaliurvinga pigiami iluani ittunik.
- Uqauhiitigut Kamisinaup kiuyakhaa piliuriami nutqaqtitaunahuarniqmut pipkaitjutingit atlatlu atuqtakhat aatjikutariyut ukununnga *Inuit Qaujimaqatuqangit*, atuqluni hapkuningga atuqtakhanginnik ihuatqiaq ihuarhigiami ihumaalutigiyauyut ukununnga qanuqtut havaariyaanik maligainnut, maligangut ukunanulluuniit atuinnaqtamiknik uqauhimut havaariyakhat.

Inuknut Naunaipkainiq, Ikayuutauntingit Uqautjiutinginniklu

- Uqauhiitigut Kamisinaup kiuyakhaa naunaiqtakhaa Havakvik piliuqpaktut tuniqhaiplutiklu naunaitkutut inuknut ihumaalutigiyut pilaarutinginnik nunavunmi ittumi ilitariyauyut uqauhiit maligait unalu havaariyaa Havakviup uumani Uqauhitigut Kamisinauyuq .

- Uqauhiitigut Kamisinaup kiuyakhaa naunaiqtakhaa Havakvik uumani Uqauhitigut Kamisinauyuq pihimayukhaq nutaanguyunik qaritauyami ittukhanik naunaitkutanik una Ukiumi taiguagakhat Uqauhitigut Kamisinauyuq , ihuaqtut apirhuutingit atuqtakhat inuknut atlanullu naunaitkutut piyut uumunnga havaariyaa Havakviup.
- Uqauhiitigut Kamisinaup kiuyakhaa tunigiami uqautjiutikhanganik timiqutigiyayunut, timiqutigiyangit, inuknullu piyuq ihuatqiyayumut havaat qanuqlu piyanginnik Uqauhiitigut Kamisinaup ihumagiyayuuq ihuatqiyayuuq angirutigiyuuq nunavunmmi ilitariyayut uqauhiit maligait.
- Uqauhiitigut Kamisinaup kiuyakhaa tuniyukhaq nakuuyunik ikayuutikhat ukununnga Inuit Uqausinginnik Taiguusiliuqtiit (Inuktitut/Inuinnaqtun Piyunnautingit) ikayuriami naunaiyaqhimayut nakuuyuniklu piyangit pilaarutingit ukunanikluuniit qanuqtut havaariyaanik havaanganik Piyunnautinganit.
- Uqauhiitigut Kamisinaup kiuyakhaa tunigiami unalu/unaluuniit piliuqtukhat maliktakhat pitqutigivlugu Inuktitut/Inuinnaqtun ihumaliurutingit piliurhimayut timiqutigiyayunit nunavunmit timiqutigiyangittut.

IV. MANIKHAT

Tamna Atan'nguyanit Havaanginnullu Katimayiit uumani Maligaliurvinga angiqpagait akiliuhianga manikhangillu tamaita inmikuuqtut havaktiuyut Maligaliurvikmi. Tamna Atan'nguyanit Havaanginnullu Katimayiit angiqtaa atuqtamiknik ihariagiyayuuq Uqauhiitigut Kamisinaup katimaqatigiyakhaa Katimayiingit atauhiqmi ukiumi tunigiami Havakviup pitquyauhimayut manikhat unalu havaatigut havaakhangit tikiliqtup maniliurninnganut ukiunga. Qakunnguraangat, Atan'nguyanit Havaanginnullu Katimayiit ihumaalutigiyauniaqtaa piyuq aulapkaitjutinginnik havakviuyut inmikkuuqtut havaktiuyut pitqutigiquplugu tahamunnga kiinauyaliqinirmut munariyut, kaantraliqiniq niuviqniqmullu.

Uqauhiitigut Kamisinaup kiuyakhaa munarininnganut uumani manikhat angiqtauayut atauhiqmi ukiumi Maligaliurvikmit aulapkaitjutininnganut havakviup.

2019-2020 Ukiumi Manikhat

Akiliqtakhat Ikeyuutingillu:	\$990,000
Aatlat Aulatjutaayut Maniit Munariniillu:	<u>\$420,000</u>

ATAUTTIMIT:	\$1,410,000
--------------------	--------------------

Havaktittiniq

Havakvinga uumani Uqauhitigut Kamisinauyuuq tatja havaktilgit piqaqtumik 6.0-nik Havainnaqtut Aatjikuariyaniganik (FTE) havaat:

1. Aulapkaiyiuyuuq Ihumaliurhimayuuq Parnaiyainiq Maligaliqinirmullu
2. Kavamaliqinirmut Tuhaqtittihi Havaktinga
3. Kavamatkunni Havaanut Ataniq
4. Ihivriuuqtiuyuuq/Qauyihaiyiyuuq (Inuit Uqauhinginnut)
5. Ihivriuuqtiuyuuq/Qauyihaiyiyuuq (Uviititut Uqauhinginnut)
6. Atan'nguyap Titiraqtinga

Havaktiit Havakvikmit uumani Uqauhitigut Kamisinauyuuq ihumagiyaayut ilaayunik uumani Kavamatkunni Havaktut uumani qanuriliurutininnanik uumani *Kavamatkunni Havaktut Maligaq* Havaktingit pipkailimaittut ilaugiamiknik uqaqatigiikniqmut naunairhimayuuq uumani *Kavamatkunni Havaktut Maligaq*

Titiraqhimayumi nutaaq *Ilitariyayut Uqauhiit Maliganga*, Uqauhiitigut Kamisinaup ilauttaaqtuq pihimaluniluuniit havaangit maliktakhanginnik, ayuittiaqhimayut atlat inuit Uqauhiitigut Kamisinaup ihumagiyaat piyakhangit.

V. AYUITTIARNIQMUT PILIUQNIQ TIMIQUTIGIYANGILLU

Uqauhiitigut Kamisinaup Nunavunmut pihimaniaqtaik akhuraaluk hakugiktumik timiqutigiyangillu havaqatigiinginnut havaktut ukunani:

- Kanatami Kamisinauyuuq Ilitariyayut uqauhiinut;
- Uqauhiitigut Kamisinaup Nunatsiamit; unalu
- Kamisinauyuuq Ilitariyayut uqauhiit New Brunswick-mut.

Uqauhiitigut Kamisinaup pihimaniaqtaalu akhuraaluk hakugiktumik pipkaijutigiyaayuuq Katimavinga Kanatamiutat Ihivriuuqtiuyuuq Ihuigiyaayunik (www.ombudsmanforum.ca).

Uqauhiitigut Kamisinaup ihumagiyaayuuq havaariyakhaa inmikkut taiguaqniqmik pigiami nutaanik ihuaqtunut taiguaqni uumani ilitariyayut uqauhiit maligait aatjikutayuniklu piyut.

VI. QANURAALUKTUT QANURITAAKHAANIKLU

Uqauhiitigut Kamisinaup tikkuaqtauyuq Kamisinauyumit Nunavunmut pitqutivlugu uumani Maligaliurvinga hitamanik ukiunik havaktukhaq. Uqauhiitigut Kamisinaup havaariyakhaa nakuuyumik. Uqauhiitigut Kamisinaup kavamatkunni havangittuq qanuriliurninnga uumani *Kavamatkunni Havaktut Maligaq*

Haffumani *Ilitariyauyut Uqauhiit Maligangani*, Atan'nguyanit Havaanginnullu Katimayiit tikkuaqtaaqtuq Uqauhiitigut Kamisinaullaktukhamik Havakvinga inuitpat unalu Maligaliurvinga havaktukhamik tikkuangitpat. Haffumani *Ilitariyauyut Uqauhiit Maligangani*, Uqauhiitigut Kamisinaup havaariyakhaat nutqarvikhanga tikitpat tikkuaqtauffaarumiluuniit, akimayuqaqqalluunit tikkuaqtauyuq.

Naunaiyarhimayut qanuraaluktut qanuritaakhaaniklu uumani Uqauhitigut Kamisinauyup tikkuaqtauninnga akiliuhiakhangalu naunaiyaqhimayuq Naunairvik Ami.

Titigakvinga Ukauhiligiyit Kamisinaup Iqalumi, Nunavumiiniaktok.

VII. AYUITAMIKNIK

Piyakhangit havaamut ihariagiyauyuq ayuirhimayakhaa piyuqlu unгахiktumut hapkuat piyauyut ilihainiqmut ayuitamiknik. Unalu ilihaitjutigiyangit ayuittiarhimayumiklu nalunaitkutaqarniq ihariagiyauyuq havaamut, Uqauhiitigut Kamisinaup piqaqtukhaq pittaagtamiknik iliuraigiami ihuaqtumik, mihigiyanganik piyukhaq havaarigiamikni uumunnga havaamut, pitillugu nakuuyumik ilumuuriyamiknik naunaiqlugulu ihuaqtumik piluni, iquhimaittumik qilangaangittumiklu. Ayuitlunilu uqauhini akhuurutayuq.

Uqauhiitigut Kamisinaup kangirhimayukhaqlu uumani maligatigut and kavamaliqinirmut piyut uumunnga havaamut havaakhangit pittaagtukhaqlu havagiami nakuuyunik ihuaqtuq Nanminiriyamik Havaktiuyuq uumani Nunavunmi Maligaliurvinga.

1. Ayuitakhangit Nalunaitkutaqarninngalu

- Iliharutingit Iniqtiqhimayakhangit ilitariyauyumit Iliharvikyuamit pihimayukhaq.

- Ilihariaryuumivikmit iliharhimayukhaq (iliharutimiknit iniqtirhimayukhaq unalu/unaluuniit Iniqhimayutd ilihaitjutimut havaakhaa) pihimayukhaq.

2. Ilihimaghaq Ayuitaminiklu

- Ilihimaghaq uumani Kanatamiutat Aatuvaami Maligaliurvikyuangaary aturninngit kavamatkut, unalu atlatqiittut pipkaitjutingit Nunavuutim ikayuutaunngittuq, angirutihimaghaq piyukhaq;
- Ilihimaghaq kanatami qanuriliurningit piyut uumunnga ilitariyaayut uqauhiit maligait;
- Ilihimaghaq titiqiqinirmut maligaaq, unalu pipkaitjutininngit ihuarniqmut havaktilluni ihivriunnginnik;
- Naunaiqhimayuq ayuitamiknik havaktuq ihivriunnginnik unalu uqautigiyamiknik; unalu
- Naunaiqhimayuq ayuitamiknik ikayuqtiuyuq uqauhimut pilaarutinginnik.

3. Ayuirhimayakhaa Havainnariaqtangillu

- Uqayuktuq Inuit Uqauhimiknik (Inuktitut uuminngaluuniit Inuinnaqtun) Qablunaatitut uuminngaluuniit Uviittitut ihariagiyaayuq;
- Akhuraaluk hakugiktumik ayurhautigiyamiknik-ihuarhainiq - ayuirhimayakhaa, naunaiqhimayumiklu pittaarninnga havaamut ihuaqtumik nakuuyumiklu ihivriunngit;
- Akhuraaluk hakugiktumik ihivriunniq, titiraqniq, ihumaliurniqlu, ayuirhimayakhaa;
- Akhuraaluk hakugiktumik ayuirhimayakhaa uumani manikhat pivallianiq munariniqmut;
- Akhuraaluk hakugiktumik hivuliqtiniqmut ayuirhimayakhaa; unalu
- Akhuraaluk hakugiktumik ayuirhimayakhaa havaktuliyikkunni munarinngani.